

"Эдэр саас үңкүүтэ" Ыччат оһуокайын өрөспүүбүлүкэтээби күрэхэ

Ахсынны 12-13 күннэригэр, Арктикатаабы Акултуура уонна ускуустуба институтугар, өрөспүүбүлүкэ ыччатыгар оһуокай этиигэ күрэхтэһи буолан ааста. «Эдэр саас үңкүүтэ» күрэх сүрүн сыала-соруга саха оһуокайын ыччакка тириэрдии, тэнитии, билиһиннэриин, оһуокайынан төрөөбүт тыл-өс кэрэтин, баайын чингэтиин, ону баһылыырга көбүлээһин, түөлбө оһуокайдарын арааһын эдэр дьонго билиһиннэриин, төрүт үгэстэри тарбатыы, куһаҥан сабыдыалтан тэитиин буолар.



Бу күрэххэ Саха сиригэр араас улууттан, чуолаан Сунтаар, Ньурба, Үөһээ Бүлүү, Хангалас улуустара уонна Дьокуускай куорат ыччата кытыннылар.

АГИКИ ректора Саргылана Семеновна Игнатьева, «Оһуокай түмсүү» баһылыга Александр Джурович Данилов бэйэлэрин

Күрэхти Арктика институтун устудьуоннара уонна Арктика норуоттарын фольклорун уонна култууратын кафедрата тэрээһиннээхтик тэрийэн ыытылар. Күрэххэ икки бөлөххө арахан 14-18 саастарыгар диэри, 18-35 саастарыгар диэри ыччат дьон көрүстүлэр. Дьүүллүүр сүбэ манньк саста-

аптаах үлэлээтэ: Дархан этээчи Семен Ильич Черноградский «Оһуокай түмсүү» бэрэссэдээтэлин солбуйааччыта, Евдокия Степановна Сергина, Арктика норуоттарын фольклорун уонна култууратын кафедратын сэбиэ-диссэйэ, педагогической наука хандьыдаата, бэрэпиэссэр уонна Парасковья Еремеевна Заболотская, ускуустуба хандьыдаата.

Дьүүллүүр сүбэ эдэр этээччилэргэ ордук чуолаан оһуокай түһүмэхтэрин тутуһуутун, тута хоһуйар дьобуру, түһүлгэни төһө сатаан тутары, дьону-сэргэни туох ньыманан сэнээрдэри, этээчи уус-уран тылын, талбыт тиэмэтин толору арыларын, куолаһын кэрэтин, туттуун-хаптытын, атын этээччилэри төһө өйүүр эбитин сыаналаата. Икки күннээх сыралаах үлэ эдэр оһуокай этээччилэргэ туһалаах, көмөлөөх, инникигэ эрэллээх буолла.

Иккис күнгэ дьүүллүүр сүбэ эдэр этээччилэргэ тута хоһуйуу тиэмэлэрин үлэртээн, күөн күрэх өссө сытырхайан биэрдэ. Манна дьүүллүүр сүбэ ыччат кэскиллээх, инникитин өссө сайдар кыахтаах диэн санаатын биллэрдэ. Күн аңаарыгар маастар кылаас, сүбэ-ама быһыытынан этии киллэрдилэр.

Ол курдук, күрэх түмүгүнэн



анал ааттар ингэрилиннилэр: «Өбүгэ үгэһин суолдьута» – Федоров Прокопий Давыдович, Ньурба улууһа, СӨ Ыччат министиэристибэтин аатыттан анал бириһи ылла; «Түөлбө түһүмэлдьитэ» – Иванов Станислав Александрович, АГИКИ 3 кууруһун устудьуона, эмиэ Ыччат министиэристибэтин аатыттан анал бириһи ылла. «Түһүлгэ дьөһүөлдүтэ» – Порядина Матрена Алексеевна, култуура колледжын 2 кууруһун устудьуонугар, АГИКИ ректора анал бириһи туттарда; «Кэскиллээх этээчи» аат Дормидонтов Владимир Александровичка, Сунтаар орто оскуолатын 8 кылааһын үөрэнээччитигэр. Өссө Арктика норуоттарын фольклорун уонна култууратын кафедрата уонна «Оһуокай түмсүү» анал бириһистэрин ылла. «Хомоһой хоһоонньут» диэн аат – Иванова Айталлина Виссарионовна, ХИФУ 3 кууруһун устудьуонугар ингэрилиннэ. Арктика норуоттарын фольклорун уонна култууратын кафедрата анал бириһи туттарда. «Тэтимнээх үңкүүһүт» аат Адамов Михаил Евгеньевичкэ тигистэ (Дьөппөн орто оскуолатын 8 кылааһын

үөрэнээччитэ), «Оһуокай түмсүү» анал бириһи туттарылына. «Эйээрэр кылыһах» аат Новопроезжай Василий Васильевичка, култуура колледжын 2 кууруһун устудьуонугар бэрилиннэ, Арчы дьыэтин анал бириһи туттарылына. «Чуор куолаас» – Холмогорова Варвара Николаевна, АГИКИ 3 кууруһун устудьуонугар. «Үс кут» түмсүү аатыттан анал бириһи туттарылына.

Итини таһынан араас кинигэ, туоһу сурук, өйдөбүннүк бэлэх туттарылына. Кыайылыах Прокопий Федоров бу күрэхти бэйэтэ тыл эппит оһуокайынан үөрүүлээхтик түмүктээтэ.

Арктика норуоттарын фольклорун уонна култууратын кафедрата бу күрэхти өйөөбүт «Оһуокай түмсүү» бэрэссэдээтэлэ Александр Джуровичка, СӨ Ыччат министиэристибэтигэр, Арчы дьыэтигэр, «Үс кут» түмсүүгэ, Аан дойдутаабы хомус түмэлигэр, Өксөкүлээх аатынан Норуоттар добордоһууларын дьыэтигэр барба махталын биллэрэр!

**Александр ЛАПТЕВ,
АГИКИ уһуйааччыта.**